

ღამის მახრის სიმღერა

ბეზირგნის შვილი არა ვარ,
არც არავისი ბატონი,
ღამის მეხრე ვარ უბედო
და იფნის სახრის პატრონი...
ცუდ ვარსკვლავზე ვარ შობილი,
მარტო ჯაფა მხვდა წილადა:
კუმატ ღამეში ხარ-კამბეჩს
დავდევი, ვაძოვებ ფრთხილადა.
ორი დღის ალო მერგება
მე ჩემი ჭირნახულისა,
და იმედი მაქვს გუთნისა,
იმისგან გადახნულისა...
გუთანო, ქრისტეს ნაკურთხო,
ღრმად გაუარე კვალია,
რომ შემოგვნატროს სუყველამ,
მგზავრს ჩვენზე დარჩეს თვალია.
შენი იმედით ცოცხალვარ,
რომ შენით ვჭამო პური.,
შენა გამსახურობ, შენც მენა
საქმე გამიწყე ძმურია;
გადააშავე ყამირი.
აღარ აივსოს თივითა,
გაუსვი სახნის-საკვეთი
ნალესი აღმასივითა...
გაჰკარ, გაუსეი, - რას უცდი?=
ღამის მზემ გადაიხაროს,
გაუსვი, გუთნის-დედისამც
ცოტა რამ გულმა იხაროს!..
ჭირიმე შენი, გუთანო,
ნაკურთხო ქრისტეს ჯვართა,
არ მილალატო, კვნესამე,
ბედ-შავ არ მომკლა ჯავრითა!..